

FUNDARGERÐ 525. FUNDAR STJÓRNAR SORPU bs.

Stjórnarfundur SORPU bs., kt. 510588-1189, miðvikudaginn 11. febrúar 2026. Fundurinn er settur klukkan 07:30. Fundurinn er staðfundur að Köllunarklettsvegi 1, 104 Reykjavík.

Fundarstjóri: Dóra Björt Guðjónsdóttir.

Fundarritari: Gunnar Dofri Ólafsson.

Sækja fund: Dóra Björt Guðjónsdóttir, Kristinn Andersen, Orri Vignir Hlöðversson, Svana Helen Björnsdóttir, Sævar Birgisson, og Valdimar Víðisson.

Jón Viggó Gunnarsson framkvæmdastjóri, Gunnar Dofri Ólafsson, sviðsstjóri þjónustu- og samskiptasviðs, og Þórhallur Hákonarson fjármálastjóri sækja fund.

Til fundarins er boðað með lögformlegum hætti í samræmi við starfsreglur stjórnar, og er því ákvörðunar- og ályktunarbær.

Tekið fyrir

1. Málefni endurvinnslustöðva – gjaldskrá og gjaldtaka

Kristinn Andersen tekur sæti á fundinum undir þessum lið.

Framkvæmdastjóri og sviðsstjóri þjónustu- og samskiptasviðs gera grein fyrir minnisblaði um verkefni vegna gjaldskrár og gjaldtöku á endurvinnslustöðvum.

Stjórn SORPU bs. bókar:

„Endurvinnslustöðvar SORPU eru mikilvæg stoð í úrgangsstjórnun sveitarfélaga. Stöðvarnar eru fyrst og fremst ætlaðar íbúum á höfuðborgarsvæðinu, sem greiða stóran hluta af rekstrarkostnaði þeirra samhliða álagningu fasteignagjalda. Til að tryggja að SORPA fylgi lögum um meðhöndlun úrgangs, og þeim reglum sem gilda um að þeim sem sinna úrgangsmálum sé skylt að rukka raunkostnað við þau verkefni, felur stjórn framkvæmdastjóra að vinna áfram að verkefnum sem lúta að því að tryggja að réttir aðilar greiði rétt verð fyrir þjónustu endurvinnslustöðva.

Stjórn felur framkvæmdastjóra jafnframt að árétta í gjaldskrá á vef SORPU að aðeins íbúar á höfuðborgarsvæðinu greiði eftir gjaldskrá fyrir einstaklinga, og að aðrir, svo sem íbúar utan höfuðborgarsvæðisins og rekstraraðilar, greiði eftir gjaldskrá fyrir fyrirtæki.“

2. Málefni Endurvinnslustöðva – lokun Dalvegjar og breyting á fjölda flokka

Framkvæmdastjóri og sviðsstjóri þjónustu- og samskiptasviðs gera grein fyrir minnisblaði um framtíðarsýn fyrir stórar og litlar endurvinnslustöðvar. Á öðrum ársfjórðungi þessa árs opnar ný endurvinnslustöð við Lambhagaveg, og samhliða lokar endurvinnslustöðin við Sævarhöfða. SORPU

barst auk þess þann 29. janúar sl. erindi frá Kópavogsbæ þess efnis að uppsögn lóðar við Dalveg er frestað til 31. desember næstkomandi.

Þetta hefur í för með sér meiri fyrirsjáanleika í rekstri endurvinnslustöðva og tækifæri til að koma til framkvæmda framtíðarsýn stjórnar SORPU og tæknimanna sveitarfélagnna sem standa að byggðasamlaginu um endurvinnslustöðvar á höfuðborgarsvæðinu. Í henni er lagt upp með að skilgreina stórar og litlar endurvinnslustöðvar til að þjónusta með skilvirkari hætti kjarnaviðskiptavini SORPU, sem eru heimilin á höfuðborgarsvæðinu.

Stjórn SORPU felur framkvæmdastjóra að hefja vinnu við breytingar á endurvinnslustöðvum SORPU í samræmi við framlagt minnisblað.

Minnisblað fylgir fundargerð.

3. Skýrsla áhættunefndar

Valdimar Víðisson tekur sæti á fundinum undir þessum lið. Kristinn Andersen vísar af fundi eftir þennan lið.

Svana Helen Björnsdóttir, formaður áhættunefndar SORPU, gerir grein fyrir skýrslu áhættunefndar.

Stjórn felur framkvæmdastjóra að taka saman yfirlit um mótvægisaðgerðir við þeim áhættum sem áhættunefnd vekur athygli á.

4. Málefni Metan ehf.

Fjármálastjóri fer yfir stöðuna hjá Metan ehf. eftir breytingar á þungaskatti á eldsneyti og upptöku kílómetragjalds. Rætt um þær aðgerðir sem Metan hefur gripið til, til að tryggja samkeppnishæfni metans sem raunhæfs valkosts við jarðefnaeldsneyti.

5. Stjórnskipulag og verkefnaáætlun ESA-verkefnis

Haraldur Flosi Tryggvason Klein og Ragnheiður Björk Halldórsdóttir í vinnuhópi ESA-verkefnisins taka sæti á fundinum undir þessum lið. Gestir gera grein fyrir framvindu ESA-verkefnisins, stjórnskipulagi þess og verkefnaáætlun.

Gestir víkja af fundi eftir afgreiðslu þessa liðar.

6. Stjórnkerfi SORPU bs. samstæðunnar

Frestað til næsta fundar.

7. Staða og horfur í textíl,- söfnun og meðhöndlun

Gyða S. Björnsdóttir umhverfisstjóri, Karen Hulda Kristjánsdóttir verkefnastjóri, og Torfi Jóhannsson, sviðsstjóri móttöku og flokkunar, taka sæti á fundinum.

Umhverfisstjóri gerir grein fyrir minnisblaði um stöðu textíls og nauðsyn þess að koma upp fullnægjandi aðstöðu til flokkunar og vinnslu textílsins. Árlega safnast um 2.400 tonn af textíl á höfuðborgarsvæðinu, og nauðsynlegt að ná betur utan um verkefnið.

Stjórn SORPU bs. bókar:

„Framkvæmdastjóra er falið að hefja þegar leit að heppilegu húsnæði undir flokkun og vinnslu textíls og hefja hönnun á aðstöðu sem tryggir bæði öryggi starfsfólks og hringrásarmöguleika þess textíls sem til SORPU berst.“

8. Aðalfundur SORPU bs.

Aðalfundur SORPU verður haldinn miðvikudaginn 15. apríl næstkomandi klukkan 16:00.

Næsti fundur

Næsti fundur er boðaður miðvikudaginn 11. mars 2026 klukkan 07:30.

Fleira var ekki gert og fundi slitið 09:47.